

22

REPUBLIKA BOSNA I HERCEGOVINA
ŠTAB VRHOVNE KOMANDE ORUŽANIH SNAGA
SARAJEVO

Pov. broj: ~~02/340-2061~~
Sarajevo, 21.10.1992. godine

VOJNA TAJNA
Br.ev. ORGIBAL

Republika Bosna i Hercegovina
MINISTARSTVO ODBRANE
ARMIJABIH
Pov Broj: 02/401-160
Datum, 21.10. 1992. god.
SARAJEVO

INFORMACIJA

O TOKU BORBENIH DEJSTAVA NA TERITORIJI REPUBLIKE
BOSNE I HERCEGOVINE ZA PERIOD OD 24 SATI
DANA 20.10.1992. GODINE

ZONA ODGOVORNOSTI 1. KORPUSA

Sarajevo: Neprijatelj artiljerijskom i pješadijskom vatrom dejstvovao po cijelom gradu, po već poznatom sistemu i načelima upotrebe četničkih snaga. Iako intenzitet vatre nije bio jak, i pored toga, u gradu je bilo 16 poginulih i oko 80 ranjenih i povrijeđenih lica.

Olovo: Neprijatelj sa vatrenih položaja Pridvorice, Olovskih luka i drugih položaja, art. vatrom nastavlja sa razaranjem grada i okolnih naselja, trenutno fugasnim i zapaljivim granatama, te vatrenu podršku pješadijsko-oklopnih jedinica. Svi napadi uspješno odbijeni.

Višegrad: U borbama oko Kaoštice ubijeno 52 četnika i zarobljena velika količina municije.

ZONA ODGOVORNOSTI 2. KORPUSA

Tuzla: Neprijatelj neprekidno tuče artiljerijom grad Tuzlu i područja drugih opština. OpŠO Tuzla pozvao sve građane u četničkim redovima da se predaju i da prestanu sa bombardovanjem, jer će u protivnom biti uništeni na svojim položajima na Majevidi.

Brčko: Nije bilo značajnije i koordinirane neprijateljske borbene aktivnosti na ovom bojištu. MB vatra otvarana po D. Rahiću, Brodu i Dizdaruši.

Gradačac: Najteži dan na ovom bojištu bio je 20.10.1992. godine. Neprijatelj je artiljerijskom vatrom sa svojih vatrenih položaja u s. Pelagićevu, Krečana, Gajeva podržavao napade pješadijskih i oklopnih jedinica na pravcima Imšir-Brdo, Sibovac, Požanike i Vida, koji su zaustavljeni i razbijeni, te na pravcu Liporašće-Mionica koji se stalno pojačava dovodjenjem novih snaga sa helikopterima i borbene tehnike kamionima. Procjenjuje se da su ukupno angažovane snage neprijatelja na gradačačkom bojištu: 3 pješadijske, 1 oklopno-mehan. brigada i 1-2 puka artiljerije, uz stalno pothranjivanje novom ž/s i MTS. Cijenimo da će naše snage izdržati i razbiti neprijateljske napade u narednih sedam dana.

Gračanica: Neprijatelj je helikopterima "Gama" (Gazela) borbeno djelovao po rejonima Trebave, Lukavice i Skipovca. Prevoženja vršio sa helikopterima Mi-8, uz pokušaje zauzimanja Stjepan polja i Malešića. Svi napadi su odbijeni, a naše snage su zauzele niz dominantnih tačaka na tom području.

ZONA ODGOVORNOSTI REGIJE DOBOJ

Maglaj: Neprijatelj je nastavio napade na grad po istoj jučerašnjoj šemi. Naše snage odsudnom odbranom ne dopuštaju neprijatelju da pomjeri njegove položaje.

Tešanj: Neprijatelj je artiljerijskom vatrom tukao grad i naselja Kaloševići, Lepenice, Jelah, Cijerna, Mekiš i druga. Napadi pješadije odbijeni.

ZONA ODGOVORNOSTI REGIJE ZENICA

Jajce: Neprijatelj artiljerijskom vatrom sa svojih položaja na Bukovici i Čusini. Nanesena veća materijalna šteta, 1 poginu i 1 ranjeno lice. Neprijatelj tuče mjesta gdje se masovnije okuplja narod radi vode ili hrane. Tako su 19.10. na takvim mjestima poginule 4 žene, a 12 lica je ranjeno.

Novi Travnik: Dana 18. i 19.10.1992. godine došlo je do ozbiljnog incidenta između pripadnika HVO i Armije BiH, zbog uzurpacije jedne i pokušaja da se uzurpira i druga pumpa sa gorivom. U puškaranju poginuo 1 pripadnik Armije BiH. Radi se na smirivanju situacije i sukoba.

V i t e z : Blokada puteva i art. vatra i oružani sukobi u rejonu Stara Bila, Preošići i Ahmići, između Armije RBiH i HVO. HVO tukao art. vatrom iz Nore po četničkom sistemu, džamije, privredne objekte i nedužno stanovništvo.

ZONA ODGOVORNOSTI 4. KORPUSA

Mostar: Nije bilo aktivnijih dejstava neprijatelja na ovom dijelu bojišta. Neprijatelj nastavlja sa sporadičnom art. vatrom po istom sistemu i po istim objektima. Zategnuti odnosi između HVO i Armije RBiH.

P r o z o r : HVO zauzeo policijsku stanicu, čime je zaoštrio odnose između HVO i Armije RBiH.

ZONA ODGOVORNOSTI 5. KORPUSA

Bihać: Neprijateljska vatra manjeg intenziteta ispoljena je na pravcu Golubića i bez nekih većih posljedica po branioce i civilno stanovništvo.

DEJSTVO AVIJACIJE

Nije bilo registrovanih poleta neprijateljske LBA. Registrovani su helikopterski poleti, kako u vatrenoj podršci pješadijskih napada, tako i u transportu trupa i ostalim prevoženjima na relacijama Brčko-B. Šamac i B. Šamac-Gradačac, Gračanica i Maglaj, sa ukupno oko 20 heli-poleta. Helikopteri "Gama" (Gazela) dejstvovali raketama "Maljutka" po rejonima Gradačca i Gračanice.

Z A K L J U Č A K

Bez obzira na sporazum između predsjednika Republike BiH i Hrvatske i naših očekivanja da ćemo time prevazići sve nesporazume i svim snagama krenuti protiv zajedničkog neprijatelja, dešavaju se takve pojave koje su protiv zajedničkih interesa. Događaji u Novom Travniku (kada je ekstremno krilo HVO uzurpiralo jednu i pokušalo da isto uradi sa drugom pumpom za gorivo, došlo je do puškaranja i uličnih borbi sa ljudskim žrtvama i velikim materijalnim štetama), po svojim posljedicama prevazilaze ranije ekscese, koje su pravili ekstremisti, plijeneći oružje, municiju i opremu. Posebnu odvratnost izaziva krađa hrane iz humanitarne pomoći, bez obzira iz kojeg su kraja i kojem narodu pripadali akteri ovih nedjela. Neophodno je uvesti više reda među već utvrđene ekstremne pojedince koji svojim postupcima čine štetu opštoj stvari - borbi protiv zajedničkog neprijatelja.

Kao što smo procijenili, neprijatelj će po zabrani letova avijacije masovnije koristiti helikoptere, kako u borbenoj, tako u transportnoj i drugim varijantama, na malim visinama, u radarskoj masi, van radarske kontrole aviona AWACS-a, kao što je to bilo ovih dana.

Neophodno je za potrebe Armije BiH nabaviti helikoptere i upotrijebiti ih po istim načelima ili za sanitet.

AB/SC

Umnoženo u 17 primjeraka i
dostavljeno:

- | | |
|-----------------------------------|-----------------------|
| 1. Predsjedništvu RBiH, | broj evidencije 1-9 |
| 2. Ministarstvu odbrane RBiH, | broj evidencije 10 |
| 3. Načelniku GŠ OS RBiH, | broj evidencije 11 |
| 4. Zamjeniku načelnika GŠ OS, | broj evidencije 12 |
| 5. Organu za IPD, | broj evidencije 13-14 |
| 6. Novinari (D. Ozme), | broj evidencije 15 |
| 7. OC Pozadine, | broj evidencije 16 |
| 8. K-da 1. Korpusa-pol.odjeljenje | broj evidencije 17 |